

درسعادتده ياب عالی جوارانده
اداره مخصوصه

محل اداره :

مُشَاطَرَةُ الْقُرْبَى

۱۳۲۶

اخطار :

مسلكمنه موافق آثار جديده مع المنوويه
قبول اولنور
درج ايده ياب آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفعه نشر اولنور.

درسعادتده نسخه سى ۵۰ پاره در

قيراهدن مقوا بورو ايله كوندر بليسه سنوى
۲۰ غروش فضله آلير

تاريخ تأسيسى
۱۰ تموز ۳۲۴

صاحب و مؤسلى :
ابوالعلا زين العابدين — ح. اشرف اديب

آبونه بدلى
سنه لکى ۸۰
هر طرف ايچون ۴۰
التى آيلنى ۴۰
غروش »

تحتنه آلمیه فقط شمعی حق انتخابدن محروم ایدیلرلی اوج سنه اولور
عجبا اوج سنه طرفنده بونلری استقبالد کندی حقوقلرینی محافظه
ایدر درجه به افراغ ایچون نه کی تشبثاده بولندیلر؟ هیچ . میدانده
حکومتک یایدینی برشی وارسه یرلرینی جبراً قهرآ تامبون ، خارکون
روسارینه ویره رک کندیلرینی کینمه جک برحاله افراغ ایتمه سیدر .
شو صوک کونلرده ترکستانده تشکل ایدن مهاجرین قومیسووننک
اسلاملرک حتی صولادقلری ، نیجه مشقتلره قانلانهرق حاضرلادقلری
یرلری روس مهاجرینه غصباً آلوب ویرمک کبی یابدقلری وحشیانه
معامله لری کوز اوکزده . (بونلر دهاک جزئی اولان ظلملردندر .
انشالله صره سی کلور تفصیلاً یازارز) .

زوایلیر ! قانون بیلیمورلر ، روسجه بیلیمورلر . بوکیدیشه
کیدلسه ایلهریده ده بیلیمه جکلر . چونکه کشاد ایدیلن حکومت
مکتبلری هب میسیونرلک مقصدیلر کشاد ایدیلور . بونی کورن اهالی
قابل دکل اورایه کیرسونده استفاده ده بولنسون .

دفعاتله دیدیکمز وجهله ترکیده بر خرسیتیانک بورنی قانه سه
صانکه حیت وجدانک تمثال مجسمی اوله رق ایلک اول میدان آتیلان
روس حکومتی اولور . عجبا میلیونلرجه اسلام تحت حمایه سنده
ظلمندن ایکنه دیکی وقت بو حیت وجدان کسولرینی نره به براقور ؟
طوغروسی روس حکومتک بوکی معامله لری قارشوسنده بولندیغمز
انشاده شاعرک :

عجبت من شیخی ومن زهده ومن ذکره النار واهوالها
ویکره ان یشرب من فضة ویسرق الفضة ان نالهـا

قولنی تخطر ایتماک قابل دکل . اوت ، الحکم لمن غلب . معارفندن
بی بهره اولقله برابر پراکنده برحالده یشایان ، اتحاد و اتفاقک قیمتی
تقدیر ایدمه یهن بر ملت تقدیر بیوک اولورسه اولسون فقط متغلبلرک
ظلمنه بیون اکمه یه محکومدر ، بناء علیه نجات انجق اتحادده ، اتفاقه !

ترویسیکیلی : احمد تاج الدین

کریدده اسلاملرک حالی

قوریه دوریان غزته سنک مخابر مخصوصی یازیور :

کرید مسلمانلرینک بولندقلری حال مؤسفی بوندن اولکی مکتوبده
ایضاح ایلمش ایدم . بوکونده کندی کرید خرسیتیانلرینک قربان
تعصبی اولان اسلاملر حقنده ارتکاب ایدیلن مظالم واعتسافی تصویر
ایتمک وظیفه سیله مکلف عد ایدیورم . شهر حلاک اون برنجی
کونی حسین اغا تارلاسنه کیتدیکی انشاده یولده کریدلر طرفندن اتلاف
اولنمشدر . ظن اولنورکه کریدلر بوزواللی آدمک وجودینی بارجه
لامق خصوصنده مهارت نقطه نظرندن یکدیگرینه اظهار رقابت
ایلمشلردر . دیگر براسلام دخی ییه جک تدارکی ایچون کویه کیتدیکی

انشاده عین وجهه ایلر قتل اولنه جق ایدی ایسه ده بعض معتبرانک
توسطی ایلر یالکز دایاق ییه رک حیاتی قورتاره بیلمشدر . مع هذا
ییدیکی شدتلی دایاقدن طولانی حیاتی تهله کده بولنیور . اسلاملر طرفندن
حکومت محلیه ایلر قونسولوسلر نرندده وقوعبولان شکایات ومستدعیات
نمره سز قالیور . زیراهیچ کیمسه اسلاملرک حیاته اهمیت ویرمیور .
کچن هفته اسلاملری قتل ایدن جانلر سر بسته سواقلرده کزهرک
قهرمانلقلرینی بلا پروا وطنداشلرینه حکایه ایتمکده درلر . آتیه تمیز
محکمه سنک کرید محکمه لرندن کلن دعوالری ردایتدیکنه دائر نشر
ایدیلن حوادثی کرید مطبوعاتی استهزا آمیز بر صورتده تکذیب ایلیمکده در .
بومستله حقنده قونسولوسلر طرفندن وقوعبولان بالمله تشبثات آنجق
کرید مأمورین حکومتده دوستانه نصیحتلردن عبارت اولوب مأمورین
ایسه بونصیحتلری اصلا دیکله مه مکده در . کرید پوللری اوزرنده کی
یونانستان کله سنک خذقی حقنده کی حوادثده طوغری دکلدر . الحاصل
الیوم کریدده کی اسلاملر حیاتلردن امین دکلدر .

برای تحصیل اوروپایه کوندریلن طلبه نک آداب

شرعیه به رعایتی لزومی

برای تحصیل اوروپایه اعزام اولنان طلبه نک سرپوش ملی پی محلا
فظه ده اعتنا و آداب شرعیه به تمامیه رعایت ایتلری لزومک تحت
تأمینه آلمسی تمنیاتنه دائر اداره خانه مزه حیاتی قارئلر من طرفندن ورقلر
کوندرلیمکده و اشارت اولنان موضوعده جالب دقت مقاله لر نشری
آرزو ایدلیمکده در .

ورقه صاحبزبنه مقتضای حیت عثمانیه وغیرت اسلامیه اولان
اشعارات وتمنیات واقمه لرندن طولانی تشکر ایدر وشوقدرکه حکومت
سنیه جه اول و آخر بورالری نظره آلتوب طلبه نک آداب ملیه ایلر
متخلق اوله رق استقامت وعفت دائره سنده تحصیل دوام ، اوروبالیرله
حسن معاشرت و آمیزشه اهتمام ایتلرینی دائمی صورتده تحت مراقبه ده
بولندیرمق اوزره قسطمونی مبعوث محترمی یوسف کمال بک افندی
مأمور ایدلش ومیر مومی الیهک درکار اولان حیت وصدق طویقی
ایجابجه طلبه دن کرک تحصیلده تکاسلاری وکرک اخلاق و آداب
مایه مزه منافی حرکتلری مشاهده اولانلر حقنده اغماض عین جهته
کیدلیه جکی مجزوم قوی بولنش اولمسندن طولانی بویاده صورت
مستقله ده مقاله تحریرینه لزوم کورمیه رک یالکز تمنیات مذکوریه پی
میر مومی الیهک نظر دقتلرینه عرض ایلرز .